

A MESSIEVRS DES  
ESTATS.

**M**ESSIEVRS, Il n'y a pas vn d'entre vous lequel ne cognoisse en son cœur, comme bons François la miserable con-diction de nostre commune me-re la France qui triomphante au-tres-fois de nations estrangeres, se voit maintenant captiue en-chaisnee par vn estrangier.

C'est ce monstre d'auarice & d'orgueil ce Mareschal nouueau monté a ceste dignité si honora-ble & si importante au Rayau-me non par son extraction par sa vertu par sa valleur ou par ses ser-uices, nō par les vœus de l'Eglise, par le consentement de la No-blese ou par la volonté des peu-ples. Mais par le malheur de la

*duplicate  
not  
catalogued*

Frâce c'est luy qui recule les Prin-  
ces d'aupres de leur Roy, qui oste  
aux Seigneurs les charges deuës  
à leur seruice, qui ne laisse aucun  
benefice vaccant pour remplir sa  
maison, & qui prend a millions  
dans les coffres de sa M. attire les  
maledictiōs de ceux qui en resen-  
tent tous les iours les charges par  
des nouveautez insupportables.

Est-il possible Messieurs que  
ceste genereuse Noblesse qui ne  
sçait que cest que d'endurer, ge-  
misse cognoissant son mal sans  
l'oser dire. Est-il possible que ce-  
luy qui n'est ny d'extraction ny  
de merite esgal aux vostres vous  
tienne le pied sur la gorge que le  
François qui ne peut estre vaincu  
que par le François mesme se voie  
miserablement esclau d'un Ita-  
lien, que vous voyez offencervos

Princes qui sont comme la teste de vostre corps sans prendre leur iuste deffence contre l'insolence de ce poltron. Est-il possible encore vne fois qu'il s'en trouue de si lasche parmy vous pour seruir de marchepied à sa grandeur.

Que pensez vous qui aye ietté vne partie de nos Princes au desespoir de s'armer dans l'Estat. Ce n'est pas que le Roy ne leur rendit des tesmoignages de sa bonne volonté. Ce n'a esté que la Roynne ne cōtribuaist son soing pour tenir la balance de leurs affectiōs droicte au seruice de leurs Majestez en les obligeant par toutes sortes de biens-faits. C'a esté Messieurs, les artifices & les trahisons de ce meschant, qui engloutissant du desir toutes les charges du Royaume à creu que



ce malheur de la France se pour-  
roit treuuer dans la confusion.

Y a-il Prince, officier de la Cou-  
ronne ou Ministre de l'Estat qui  
ne soit veu ou perdu ou en la  
veille de sa ruine dès le temps de  
son gouvernement la disgrâce  
de Monsieur de Sully, lors qu'il  
estoit si necessaire, la fausse accu-  
sation de Monsieur le Grand en  
vne personne si recommanda-  
ble, la desfaueur quel'on a veu,  
menasser Monsieur de Villeroy  
& monsieur le Chancelier, lors  
qu'il traualloient avec tant de  
soing & de bonne fortune pour  
la France, sont des tesmoins sans  
reproche, qui font cognoistre à  
tout le monde la iustice de ses in-  
tentions.

Vne des plus sainctes Resolu-  
tions & de laquelle doit despèdre

en partie le fruit que vous attendez de vostre assemblée est la recherche des mauuaises versatiōs aux finances du Roy, C'est de là que vous esperez faire vn fonds pour restituer ses offices & en chasser la venallité, ce Montre Messieurs, au preiudice de l'intereſt du Roy à la honte de sa France, & au mespris de ceste si honorable assemblée auorte le iuste dessein & soullāt son auarice vous laissez priuez du grand bien que vous en deuez attendre.

Je veux encore Messieurs, en faueur de vostre ordre que puisque le bon-heur de la France & la bonté de nostre Roy, Vous ont assemblez en liberté de parler, compartissant à l'Estat, vous chercherez le moyen de le soulager, & que vous ne vous rende-

rez point deserteurs de vos charges & du debuoir que vous auez à vostre patrie.

C'est donc maintenant Messieurs ou iamais, qu'il faut à bon escient mettre les mains à l'œuvre, C'est maintenant qu'il faut esperer que Dieu qui gouuerne les cœurs des Princes, qui entendent les plainctes de leurs peuples animera nostre Roy, pour chasser ce prodige qui a regné iusques icy, au preiudice de son autorité à la ruyne des trois ordres, & au scandalle des gens de bien, C'est maintenant dis-je, qu'il faut supplier la Royne de ne se laisser plus circōuenir à ceste Megere, qui abusant de sa bonté donne prise à la mesdisance, & ouure la porte à vne plainte generale d'auoir aduacé cet hom-



me hors de raison.

Vos consciences Messieurs, le serment que vous auez faict de verser saintement en vos charges, & l'honneur qu'il vous fault attendre en les exerçant avec integrité vous obligent d'escrire ceste si iuste Requeste en lettre d'or au front de vos cahiers vous obligeant à ne receuoir aucune satisfaction de vostre assemblee que ceste-cy ne nous soit accordée, sans laquelle toutes les autres ne vous sont que des foibles remedes à vos maux, vous obligent, Non pas de deputer vn petit nombre de vos chambres, pour en aller supplier le Roy: Mais d'y aller les chambres entieres se ietter aux pieds de sa Majesté, de qui le zele & l'honneur de l'Eglise de Dieu l'amour à l'é-

droit de la Noblesse, & le soing  
au bien de son peuple, vous pro-  
mettent que tirât l'ordre du de-  
sordre il prendra vn iuste inte-  
rest en vos plaintes, qui seront  
changées en benedictions, Par  
la fauorable Résponce que vous  
deuez attendre deluy.